



ГАЛТ ТЭРЭГНИЙ ХӨДӨЛГӨӨН ЗОХИЦУУЛАЛТЫН НЭГДСЭН ТӨВ



E-NEWSLETTER

f [facebook.com/Rtcc.m0n](https://www.facebook.com/Rtcc.m0n)
globe <http://rtcc.mrtd.gov.mn>
envelope info@rtcc.mrtd.gov.mn
phone +976 77244409

ҮЙЛ АЖИЛЛАГААНЫ ТОВЧ ТАЙЛАН
2023 оны 10 дугаар сарын дугаар



“Төмөр замын тээврийн аюулгүй байдалтай холбоотой зарим объект, үйл ажиллагаанд гэрчилгээ олгох, сунгах, түдгэлзүүлэх, сэргээх, хүчингүй болгох, нөхөн олгох, санал дүгнэлт гаргах, гэрчилгээжүүлэлтийн мэдээллийн сан үүсгэх, хөтлөх ажлыг хэрэгжүүлж байна

Гэрчилгээжүүлэлттэй холбоотойгоор тайлант хугацаанд төмөр замын тээврийн аюулгүй байдалтай холбоотой зарим объект, үйл ажиллагааг гэрчилгээжүүлэх хүсэлтийг 84 аж ахуй нэгж, байгууллага ирүүлсэн. Хүсэлт ирүүлсэн иргэн, хуулийн этгээдийн хүсэлт дараах байдлаар шийдвэрлэгдсэн байна. Үүнд:

- Баримт бичгийн бүрдэл дутуу шалтгаанаар буцаагдсан –31
- Ажлын хэсгийн хурлаар хэлэлцэж буцаасан –2
- Ажлын хэсгийн хурлаар дэмжигдсэн –11
- Ажлын хэсгийн хурлаар ороход бэлэн болсон –35
- Хүсэлт ирүүлсэн, одоогоор хянагдаагүй байгаа –5
- Гэрчилгээ олгогдсон –0

Ажлын хэсгийн 1 удаа (10-р сарын 05-ны өдөр)-ийн хурал хуралдсан. 2023 оны 10 дугаар сарын 05-ны өдрийн №17 тоот хурлаар нийт 20 аж ахуйн нэгжийн 24 гэрчилгээ шинээр олгох болон сунгуулах асуудлыг хэлэлцсэн. Үүнээс:

- Шинээр олгохоор шийдвэрлэгдсэн: 3
- Сунгахаар шийдвэрлэгдсэн: 8
- Дараагийн хурлаар шийдвэрлэхээр хойшлуулсан: 7
- Буцаахаар шийдвэрлэгдсэн: 2


Хурлын тэмдэглэлийг хөтөлж ажлын хэсгийн гишүүдэд танилцуулан, гэрчилгээг олгох 20 аж ахуйн нэгж (24ш гэрчилгээ)-ийг 10 дугаар сарын 20-ны өдөр Зам, тээврийн хөгжлийн яаманд хүргүүлсэн. Гэрчилгээжүүлэлтийн мэдээллийн санг бүрдүүлж хөтлөн, Мэдээллийн ил тод байдал ба мэдээлэл авах эрхийн тухай хуулийн 7.1.8-д заасны дагуу гэрчилгээ олгосон хуулийн этгээдүүдийн мэдээллийг ЗТХЯ-ны ТЗДТБЗГ-т 2023 оны 10 дугаар сарын 18-ны өдөр тайлагнасан. Тайлант хугацаанд ажлын хэсгийн хурлаар буцаахаар шийдвэрлэсэн 2 аж ахуйн нэгжийн албан бичгийг боловсруулан батлуулсан бөгөөд “Тусгай зөвшөөрөл, гэрчилгээжүүлэлтийн цахим систем”-ээр буцаасан.

Гэрчилгээжүүлэлтийн ажлын хэсгийн 2023 оны 10 дугаар сарын 05-ны хурал хуралдахын өмнө нийт 20 байгууллагад ажлын хэсгийн гишүүд нэг бүрийн ашиг сонирхлын зөрчилгүй мэдэгдэл гаргаж, шилэн дансанд байршуулуулсан.






Галт тэрэгний хөдөлгөөний нэгдсэн зурмагийн гүйцэтгэлд дүн шинжилгээ хийх, тайлан мэдээг танилцуулах



Галт тэрэгний хөдөлгөөний 2023-2024 оны өвлийн нэгдсэн зурмагийг боловсруулж 10 сарын 31-нд батлуулсан. 2023 оны 09 дүгээр сард нэгдсэн зурмагийн тасалдалд дүн шинжилгээ, Нэгдсэн зурмагийн тасалдалд 9 сар болон 3 дугаар улирлын байдлаар, Нэгдсэн зурмагийн галт тэрэгний солилцоонд 3 дугаар улирлын байдлаар, Төмөр замуудын осол, гологдлын мэдээнд 2023 оны 03 дугаар улирлын байдлаар дүн шинжилгээ хийж ЗТХЯ-д албан бичгээр тус бүр танилцуулсан.

Сайжруулсан шахмал түлшний түүхий эд мидлингийн тээвэрлэлтийг 7 хоног, сарын байдлаар гарган, ЗХТЯ-ны шуурхай хуралдааны viber группэд танилцуулан, ажилласан. Нэгдсэн зурмагийн гүйцэтгэлд хилийн галт тэрэг солилцоо, суурь бүтэц хоорондын галт тэрэг солилцоо, нэгдсэн зурмагийн тасалдал, экспортын ачилтын үзүүлэлтээр 10 дугаар сарын 01, 16-ны өдрүүдэд инфографик мэдээ гарган, viber группэд тавьж, танилцуулсан. Төмөр замуудын тээвэрлэсэн ачааны хэмжээ, дамжин өнгөрөх, гаргалт, оруулалт болон орон нутгийн төрлөөр гарган, хилийн галт тэрэгний солилцоог 10 дугаар сард нийт 31 удаа гаргасан. Зам, тээврийн хөгжлийн сайдын тушаалаар байгуулагдсан Төмөр замын тээврийн тухай хууль шинэчлэн батлагдсантай холбогдуулан төмөр замын тээврийн салбарт дагаж мөрдөх дүрэм, журмыг боловсруулах үүрэг бүхий ажлын хэсгийн хэсэгт орж ажилласан.





“Монгол улсын хилээр нэвтэрч буй хөдлөх бүрэлдэхүүнд шинээр дугаар олгох, баталгаажуулах, мэдээллийн санд бүртгэх, ЗТХЯ-ыг мэдээллээр хангах” ажлын хүрээнд:



Зам, тээврийн хөгжлийн сайдын 2023 оны 04 дүгээр сарын 06-ны өдрийн А/99 дугаар тушаалын хавсралтаар батлагдсан “Монгол Улсын хилээр нэвтэрч буй хөдлөх бүрэлдэхүүний бүртгэл хөтлөх, хүлээлцэх журам”-ыг үндэслэн 2023.10.04-ны өдрийн 463 тоотор “Талын хишиг майнинг” ХХК-ны

ачааны 265 вагонд шинээр дугаар олгож мэдээллийн нэгдсэн санд бүртгэсэн. 2023 оны 10 дугаар сарын Хөдлөх бүрэлдэхүүний статистик мэдээг 2 удаа бэлтгэн боловсруулж төвийн удирдлага, мэргэжилтнүүдэд танилцуулсан. Зам, тээврийн хөгжлийн сайдын 2023 оны 04 дүгээр сарын 06-ны өдрийн А/99 дугаар тушаалын хавсралтаар батлагдсан “Монгол Улсын хилээр нэвтэрч буй хөдлөх бүрэлдэхүүний бүртгэл хөтлөх, хүлээлцэх журам”-ыг үндэслэн “ТТЗ” ХХК-ын 4 битүү вагоныг түрээсэлдэг “Валькн групп” ХХК-д 2023.10.30-ны өдрийн 487 тоотор хөдлөх бүрэлдэхүүн түрээслэгчийн “Т29” кодыг олгож, мэдээллийн санд бүртгэсэн. Мөн 10 дугаар сарын 31-ний өдрийн 489 тоотор хөдлөх бүрэлдэхүүний бүртгэл хийгдсэн мэдээллийг ЗТХЯ-д хүргүүлсэн. Монгол Улсад ашиглагдаж байгаа түрээсийн вагоны засварын хугацааны мэдээллийн судалгааг хийж, хэлтсийн даргад танилцуулсан. Монгол Улсад ашиглагдаж байгаа түрээсийн вагоны засварын хугацааны мэдээллийн судалгааг хийж, хэлтсийн даргад танилцуулсан. Бусадтай үр дүнтэй харилцах хувь хүний хөгжлийн сургалт, багийн хамтын ажиллагаа, төрийн болон орон нутгийн өмчийн хөрөнгөөр бараа, ажил үйлчилгээ худалдан авах тухай хуулийн сургалтуудад 2023 оны 10 сарын 31-ний өдөр хамрагдсан. “Хөдлөх бүрэлдэхүүний дугаарлалтад тавих шаардлага” MNS6630-2,3,4:2016 стандартын төслийн цахимд байршсан линкийг 2023.10.02-ны өдрийн 453, 454, 455, 456 тоотор болон хөдлөх бүрэлдэхүүн эзэмшигч 20 байгууллагийн цахим хаягаар явуулсан.





"Төмөр замын тээврийн салбарын статистик мэдээний нэгдсэн санг бүрдүүлэн ажиллаж байна.

Төмөр замын байгууллагууд харилцан мэдээлэл солилцох журмыг хэрэгжүүлж төмөр замын салбарын мэдээллийн нэгдсэн сан бүрдүүлэх, хөтлөх, боловсруулах, ашиглах үйл ажиллагааг хариуцан ажиллаж байна. Төмөр замын тээврийн салбарын статистик мэдээллийн санд хоногийн 1500 мэдээ, 7 хоногийн 80, сарын 108 мэдээг бүрдүүлж мэдээллийн нэгдсэн санд байршиж байна. ЗТХ-ийн сайдын 2020 оны А/154 дүгээр тушаалын хавсралтаар баталсан "Төмөр замын байгууллагууд харилцан мэдээлэл солилцох журам", ЗТХ-ийн 2021 оны "Зам, тээврийн салбарын статистикийн мэдээлэл авах, мэдээллийн сан бий болгох заавар, маягт, нөхөх заавар, үзүүлэлт батлах тухай" А/93 дугаар тушаалын хүрээнд ЗТХЯ, Үндэсний статистикийн хороонд сар, улирлын статистик мэдээг албан бичиг болон цахим шуудангаар хүргэж тайлагнасан. Суурь бүтэц эзэмшигчийн тээвэрлэсэн ачааны хэмжээ (импорт, экспорт, дамжин өнгөрсөн, орон нутаг-тонн), чингэлэг тээвэрлэлт (импорт, экспорт, орон нутаг, транзит-тонн), зорчигч тээвэрлэлт (олон улс, орон нутаг-хүн) 2023 оны 09 дүгээр сарын ачаа тээврийн статистик мэдээг нэгтгэн болосруулж 2023 оны 10 дугаар сарын 20-ний өдөр төвийн цахим хуудас, олон нийтийн сүлжээнд байршуулж мэдээлсэн.



ЗАМ ТЭЭВРИЙН ХӨГЖЛИЙН ЯАМ
Галт тэрэгний хөдөлгөөн
зохицуулалтын нэгдсэн төв

АЧАА, ТЭЭВРИЙН СТАТИСТИК МЭДЭЭ

1

СУУРЬ БҮТЭЦ ЭЗЭМШИГЧЭЭР ТЭЭВЭРЛЭСЭН АЧААНЫ МЭДЭЭ /ТОННООР/



23 845 100 тн
Үүнээс:

❖ Импорт: 2 699 000 тн
❖ Экспорт: 8 494 700 тн

❖ Дамжин өнгөрсөн: 3 739 600 тн
❖ Орон нутаг: 8 911 800 тн



МОНГОЛЫН ТӨМӨР ЗАМ

Төмөртэй өртөө: 187 100 тн
Үүнээс:

❖ Төмрийн хүдэр: 187 100 тн

Цогтэций өртөө: 828 365 тн
Үүнээс:

❖ Нүүрс: 418 421 тн
❖ Дамжин өнгөрсөн: 369 543 тн
❖ Бусад ачаа: 40 401 тн



ТАВАНТОЛГОЙ РАЙЛВЕЙ ЛЛС

1 067 810 тн
Үүнээс:
❖ Нүүрс: 966 320 тн



МОНГОЛИАН
TRANS LINE

❖ Төмрийн хүдэр: 2 568 750 тн
❖ Нүүрс: 613 667 тн

2

ЗОРЧИГЧ ТЭЭВЭРЛЭЛТ [хүн]

Зорчигч тээвэрлэлт: 1 665 800 хүн
Үүнээс:

❖ Олон улс: 16 500 хүн
❖ Орон нутаг: 1 649 200 хүн

3

ЧИНГЭЛЭГ ТЭЭВЭРЛЭЛТ

Чингэлэг тээвэрлэлт: 5 287 713 тн
Үүнээс:

❖ Импорт: 573 084 тн
❖ Экспорт: 1 607 785 тн
❖ Орон нутаг: 80 210 тн
❖ Транзит: 3 026 634 тн



Төлөвлөгөөнд тусгагдсан ажлуудаас:

Тэрбум мод аяны хүрээнд намрын мод тариалалтыг 10 дугаар сарын 13-ны өдөр Баянгол цэцэрлэгт хүрээлэнд хийж 100 ширхэг хайлаас модыг тарьсан.



"ТЭРБУМ МОД" Үндэсний хөдөлгөөний хүрээнд 2023 оны 10 дугаар сарын 07-ны өдөр "Зам тээврийн салбарын төгөл"-ийн орчны цэвэрлэгээ үйлчилгээ, усалгаа, шинэ үрсэлгээ суулгах ажлыг Зам, тээврийн салбарын залуучууд зохион байгуулсан. Тус арга хэмжээнд төвийн албан хаагчид оролцлоо.

Зам, тээврийн хөгжлийн яамны харьяа байгууллагын дундах спортын олон төрөлт тэмцээн 2023.10.28-29-ний өдрүүдэд амжилттай болж өндөрлөлөө. Тус тэмцээнд Иргэний нисэхийн ерөнхий газар, МИАТ ТӨХК, Улаанбаатар төмөр зам ХНН, Монголын төмөр зам ТӨХК, Тавантолгой төмөр зам ХХК, Автотээврийн Үндэсний төв ТӨҮГ, Зам, тээврийн хөгжлийн төв ТӨҮГ, Галт тэрэгний хөдөлгөөн зохицуулалтын нэгдсэн төв УТУГ, Далайн захиргаа, Хөшигийн хөндийн нисэх онгоцны буудал ТӨХК зэрэг байгууллагын 400 гаруй тамирчин спортын таван төрлөөр өрсөлдлөө. Манай Төв нь Далайн захиргаатай хамтарч орсон бөгөөд сагсан бөмбөгийн эмэгтэй баг тамирчид хүрэл медалийг хүртсэн.






Төлөвлөгөөнд тусгагдсан ажлын хүрээнд:

STLIS3DH маркийн чичиргээ хэмжих төхөөрөмжийн хоёр дахь туршилтыг Толгойт-Цогтцэций, Цогтцэций-Толгойт чиглэлд 2023.09.30-10.03-ны өдрүүдэд хатуу хуваарьтай мидлингийн №10005, №10054 ачааны галт тэргэнд суурилуулан туршилт хийсэн. Туршилт 64 цаг үргэлжилсэн ба 79.25 сая мөр бичлэг бүхий өгөгдлийг цуглуулсан. Тус өгөгдлийг ШУТИС-МХТС-ийн симуляторийн тооцоолол хийх зориулалттай НРС мэйнфрейм компьютерт суурилсан виртуаль серверээр дамжуулан MATHWORK MATLAB программ ашиглан өгөгдөлд дүн шинжилгээ хийсэн. Ирэх сард төрийн захиргааны төв байгууллага болон суурь бүтэц эзэмшигч байгууллагуудад туршилтын үр дүнг танилцуулахаар төлөвлөн ажиллаж байна. “Галт тэрэг найруулах төлөвлөгөөг цахим хэлбэрт шилжүүлэх, сэлгээний ажлын хяналтыг автоматжуулах систем”-ийн суурь судалгааны ажлыг танилцуулах, санал солилцох, хамтарсан судалгаа хийх арга замыг тохиролцохтой холбоотой 11 дүгээр сарын 03-ны өдөр "УБТЗ" ХНН-ийн зүтгүүрийн аж ахуйн алба болон холбогдох албан хаагчдад уулзалт зохион байгуулах хүсэлтийг 2023.10.31-ны өдөр 490 дугаар албан бичгээр хүргүүлсэн.

Industrial
UHF long range reader
ID LRU1002X



Robust UHF antenna
ID ANT.U290/290



Any UHF
Transponder





**Газар бизнес төвийн байр,
Тээвэрчдийн гудамж,
2-р хороолол, 1-р хороо,
Баянгол дүүрэг, 16052,
Улаанбаатар хот, Монгол улс**

